

Bosna i Hercegovina
Federacija Bosne i Hercegovine
Bosansko-podrinjski kantona Goražde
VLADA KANTONA

Broj: 03 - 33-673 /21
Goražde, 19.03.2021. godine

Na osnovu člana 23. Zakona o Vladi Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 8/15), Vlada Bosansko-podrinjskog kantona Goražde, na 27. vanrednoj sjednici, održanoj dana 19.03.2021.godine, **d o n o s i:**

NAREDBU

1. Ograničava se kretanje u Bosansko-podrinjskom kantonu Goražde u periodu od 21:00 pa do 05:00 sati ujutro.

Od ove zabrane su izuzete slijedeće skupine: svi uposlenici koji su uključeni u provođenje mjera i aktivnosti na rješavanju epidemije izazvane koronavirusom na području BPK-a Goražde, uposlenici kojima se proces rada odvija u smjenama, međugradski i međunarodni prevoz putnika, kao i vozači teretnih vozila u domaćem i međunarodnom transportu.

2. Zabranjuje se organizacija svih javnih okupljanja u grupama većim od 15 ljudi.

Zabranjuje se organizacija privatnih okupljanja u grupama većim od 10 osoba (svadbe, rođendani, drugi porodični skupovi slične prirode).

Od ove naredbe izuzimaju se :

- sjednice Skupštine BPK-a Goražde, sjednice Gradskog i Općinskih vijeća
- privredni subjekti
- krizni štabovi

3. Uvodi se online nastava u svim osnovnim, srednjim i visokoškolskim obrazovnim ustanovama na području Bosansko-podrinjskog kantona Goražde u periodu od 22.03.2021. do 05.04.2021. godine.

4. Naređuje se hitan povratak sa započetih godišnjih odmora iz 2021. godine, kao i godišnjih odmora iz 2020. godine svim uposlenim u javnom i privatnom zdravstvenom sektoru u Bosansko-podrinjskom kantonu Goražde.

5. Naređuje se objektima koji pružaju uslužne djelatnosti (trgovine, hoteli, kladionice, ugostiteljski objekti, moteli, i dr.) da na ulaznim vratima sa vanjske strane naznače površinu objekta i broj osoba koje mogu boraviti u istom trenutku uzimajući u obzir da za jednu osobu je potrebno najmanje 4m² s tim da se izuzima zaposleno osoblje.

Za objekte koji su veće kvadratne površine maksimalan broj osoba koje mogu boraviti unutra je 30 osoba, s tim da se izuzima zaposleno osoblje.

6. Zabranjuju se posjete osobama smještenim u JU Dom za stara i iznemogla lica Goražde.

7. Zabranjuje se organiziranje svih amatersko-rekreativnih treninga u zatvorenom prostoru, rekreativnih kontakt sportovima i to za sve koji nisu u takmičarsko-trenažnom procesu, kao i svim rekreativnim plesnim školama i kulturno-umjetničkim društvima.

8. Dozvoljava se održavanje profesionalnih sportskih natjecanja u otvorenom i zatvorenom prostoru, ali bez prisustva publike, uz obavezno pridržavanje preporuka donijeti o strane Zavoda za javno zdravstvo FBiH (higijensko-epidemioloških mjera).

9. Privredna društva i poduzetnici koji se bave trgovinom na malo (marketi, supermarketi, hiprmarketi, tržni centri i slično), kao i državni organi, organi lokalne samouprave, javne ustanove preduzeća i drugi subjekti koji vrše javna ovlaštenja, banke, pošte i druga pravna lica koja neposredno pružaju usluge građanima u šalter salama, obavezna su da odrede jedno ili više lica koja će biti odgovorna za poštivanje mjera nošenja zaštitne maske i držanja fizičke distance građana, odnosno korisnika usluga prilikom ulaska u ove objekte. Na ulazu /izlazu objekata na vidnom mjestu istaknuti obavještenje o propisanim mjerama sa uputama za njihovu primjenu. Lica zadužena za kontrolisanje propisanih mjera moraju biti jasno označena kako bi bila jasno uočljiva njihova uloga i dužnost u ovom stavu.

10. Naređuje se Kantonalnoj upravi za inspeksijske poslove BPK-a Goražde da kontinuirano kontroliraju provođenje naredbi iz svoje nadležnosti kao i naredbi Kriznog štaba Federalnog ministarstva zdravstva.

11. Naredba se donosi s rokom važenja od 14 dana, računajući od dana početka primjene ove naredbe.

12. Naredba stupna na snagu danom donošenja, a primjenjivat će se od današnjeg datuma, 19.03.2021. godine .

DOSTAVLJENO:

1. Premijeru BPK-a Goražde
2. Ministarstvima – svim
3. Krizni štab Ministarstva za soc.politiku
zdravstvo, raseljena lica i izbjeglice
4. Evidenciji i
5. a/a.-

